

Ilanngussaq 2 Inuup sulisinnaassusianik misissuineq – siusinaartumik pensionisiaqarneq pillugu sulianut apeqqtissanut siunnersuutit

Siusinaartumik pensionisiaqarneq pillugu Inatsisartut inatsisaannut ilitsersuut

## **Apeqqtissanut siunnersuutit inuup sulisinnaassusianik misissuinerup suliarineranut atorpeqartussat kiisalu innuttaasumik ataatsimeeqateqarnermut oqaloqateqarnermullu siunnersuutitsialaat (apersueriaatsimut sakkussat il.il.)**

Sulianik suliarinnittup inuup sulisinnaassusianik misissuineq suliarissavaa (ilitsersuummut ilanngussaq 1 takuuk).

Inuup sulisinnaassusianik misissuineq sisamanik immikkoortoqarpoq, taakku tamarmik ataasiakkaarlutik inuup sulisinnaassusianut naleqqiullugu innuttaasup nukissaqarfiinik qulaajaasuupput, kiisalu innuttaasup sulisinnaassutsini annertusiniarlugu aamma/imaluunniit ineriartortinniarlugu immikkoortut ilaannik ataatsimik arlalinnilluunniit ineriartortitsinissamut pisariaqartitsineranik qulaajaasussaallutik.

Taamaattumik sulianik suliarinnittoq immikkoortut taakku pillugit apersuissaaq.

Inuup sulisinnaassusiata misissuinerup immikkoortuisa qulaajalerneranni, apeqqtit ataaniittut suliamik suliarinnittutut aallaavigineqarsinnaapput.

Suliamik suliarinnittoq innuttaasumik oqaloqatiginnitsillugu apeqqtit apeqqtigineqarsinnaapput.

Apeqqtissanut siunnersuutit inuup sulisinnaassusiata misissorneranut atugassat kingornagut, innuttaasumik ataatsimeeqateqarnermut oqaloqatiginninnermullu siunnersuutitsialannik immikkoortoqarpoq (immikkoortoq 2), (apersueriaatsimut sakkussat il.il.).

Ilanngussaq 2 Inuup sulisinnaassusianik misissuineq – siusinaartumik pensionisiaqarneq pillugu sulianut apeqqtissanut siunnersuutit  
Siusinaartumik pensionisiaqarneq pillugu Inatsisartut inatsisaannut ilitsersuut

## **1. Apeqqtissanut siunnersuutit inuup sulisinnaassusianik misissuinerup suliarineranut atorpeqartussat**

**Inuup sulisinnaassusianik misissuinerup immikkoortuanut siullermut apeqqtit: Ilinniagaq**

Ilinniakkatigut suna tunuliaqutaraajuk?

Piffissap ingerlanerani ilinniakkatigut aqquusaagai allakkit. Ilinniakkat naammassiat unitsiinnakkallu tamaasa ilaatillugit.

Ilinniarnepit ingerlannera qanoq misigisaqarfigaajuk?

Arlaannik illit immikkut pikkoriffigisaqarpit?

Arlaannik illit nalunartitaqarpit?

Ajornartorsiuteqarsimavit, soorlu atuarniarnermik oqaatsitigulluunniit ajornartorsiuteqarlutit, naqinnernik ilisarinnissinnaanak assigisaannilluunniit?

Ilinniagaqarnissat pikkorissartarnissalluunniit pilerigisinnaagalarpiuk? Taamaassappat suut?

**Inuup sulisinnaassusianik misissuineq immikkoortuisa aappaannut apeqqtit: Suliffinni misilittakkat qanorlu suleriaaseqarneq**

Suliffinni misilittagai tulleriiaarlugit allattukkit

Suliassat suut nuannarinerpaavigit?

Suliffeqarneq ilinnut pingaaruteqarpa? Taamaangippat, tamatumunnga tunngavilersuutissaqarpit?

Aningaasarsiorfigisannik suliffeqarnak inuuneqarnissat pilerigisinnaaviuk? Taamaangippat, tamatumunnga tunngavilersuutissaqarpit?

Ilanngussaq 2 Inuup sulisinnaassusianik misissuineq – siusinaartumik pensionisiaqarneq pillugu sulianut apeqqtissanut siunnersuutit  
Siusinaartumik pensionisiaqarneq pillugu Inatsisartut inatsisaannut ilitersuut

Suliaqarsinnaanerit pillugu sunik naatsorsuutigisaqarpit?

Piffissaq suliffiusussaq tamaat sulisinnaassallutit naatsorsuutigaaajuk? Taamaangippat, tamatumunnga tunngavilersuutissaqarpit?

Sulinissat sapissanagu qularutigaaajuk? Taamaappat, tamatumunnga tunngavilersuutissaqarpit?

Ungasinnerusumut isigaluni, assersuutigalugu ukiut tallimat - qulit qaangiuppata, illit suliffeqarlutit inuunerit pillugu qanoq takorluugaqarpit?

Allamik suliffittaartarneq qanoq igaajuk?

Siusinnerusukkut allamik suliffeqalersimaguit, tamatumunnga suna pissutaava?

Siunissami taamaassappat allamik suliffeqarusussinnaavit? Angerpat naaggaarpalluunniit, tamatumunnga tunngavilersuutissaqarpit?

Nutaamik aallartitaqarneq, assersuutigalugu suliffeqalernerneq ilinniagaqalernerluunniit qanoq iginerlugu nassuiarniaruk.

Qilanaassavit, pissangassavit imaluunniit annilaangassavit?

Aaqqissuussinermut piffimmi illit ilisimanngisanni pisussami, inuillu peqataasussat aaqqissuussinerullu imaa illit siumoortumik ilisimareernagit, peqataanissat qanoq igissaviuk? Sooq?

Suleqatigiilluni sulineq imaluunniit kisimiilluni sulineq, arlaat iluarineruviuk?

Suleqatigiilluni sulinermit pitsaasunik/pitsaanngitsunik misilittagaqarpit? Suut?

Inuit allat akornanniinnissamut qanoq piginnaaneqarpit?

Sumi suliffeqarnissaq pilerigisinnaaviuk? Tamatumunnga pissutaasoq nassuiaatigisinnaaviuk?

Taamatut assigisaanilluunniit suliffeqarneq misilittagaqarfigaaajuk?

Ilanngussaq 2 Inuup sulisinnaassusianik misissuineq – siusinaartumik pensionisiaqarneq pillugu sulianut apequtissanut siunnersuutit

Siusinaartumik pensionisiaqarneq pillugu Inatsisartut inatsisaannut ilitersuut

**Inuup sulisinnaassusianik misissuinerup immikkoortuisa pingajuat: Najugaq, inuttut attaveqaatit aamma aningaasaqarneq**

Sumi najugaqarpit? (Inissiaq attartortagaq, inissiaq nammineq pigisaq, piginneqatigiilluni inissiaq, il.il.)

Kisimiillutit najugaqarpit imaluunniit allanik najugaqateqarpit?

Najugaqarnikkut atukkatit naammagaagit, imaluunniit allaanerunissaa kissaatigaajuk?

Pilersorneqarninnut suut tunngavigaagit?

Allanik isertitaqarpit?

Qaammammut aningaasartuutitit missingerlugit qanoq amerlatigaat?

Aningaasaqarnerit/aningaasaqarneri qanoq nalilersinnaaviuk? Aningaasaqarnikkut immikkut ajornartorsiuteqarpit?

Inuinnartut, suliffimmi imaluunniit ilinniarnep nalaani inuit allat akornanniittarnerit qanoq iginerlugu nassuiaruk.

Kikkut qaninnerpaamik ilagisarpigit? (Inooqat, qitornat, ilaquuttat allat, ikinngutit, suleqatit allallu)

Inuit allat akornanniinneq nuannaraajuk, imaluunniit kisimiikkusunneruit?

Inunnik allanik attaveqarnissaq ajornartippiuk imaluunniit attaveqallaqqippit?

Ilaquttannut ilagisartakkannullu atatillugu arlaannik ajornartorsiuteqarpa, illit sulisinnaassutsinnut sunniuteqartunik? Suut?

**Inuup sulisinnaassusianik misissuinerup immikkoortuisa sisamaat: Peqqissuseq aamma nakorsap oqaaseqaataa (immikkut malugisassaq)**

Peqqissutsit pissutigalugu siusinaartumik pensioneqalernissat siusinnerusukkut qinnutiginiuuik?

Peqqissutsikkut arlaannik ajoquteqarpit?

Ilanngussaq 2 Inuup sulisinnaassusianik misissuineq – siusinaartumik pensionisiaqarneq pillugu sulianut apeqqtissanut siunnersuutit

Siusinaartumik pensionisiaqarneq pillugu Inatsisartut inatsisaannut ilitsersuut

Timikkut aamma/imaluunniit tarnikkut sunik ajornartorsiuteqarnerit nassuiaruk.

Peqqissutsikkut ajornartorsiutitit illit sulisinnaassutsinnut sunik aporfeqartitsippat?

Aporfiit taakku qanoq iliuuseqarfigineqarsinnaasoraagit sulisinnaanngornissannut?

Arlaannik atuisarpit/pinngitsoorsinnaanngisannik atuisarpit, illit sulisinnaassutsinnut sunniuteqarsinnaasunik?

## **2. Innuttaasumik ataatsimeeqateqarnermut oqaloqatiginninnermullu siunnersuutitsialaat (apersueriaatsimi sakkussat il.il.)**

### **Innuttaasup ingerlatsiviullu naapeqqaarnerat**

Innuttaasup ingerlatsivimmik ataatsimeeqateqarnerata qanoq ingerlanera sulianik suliarinnittup maluginiassavaa.

Tulliuttuni innuttaasumik oqaloqateqarnermut siunnersuutitsialaat, pissutsillu arlaqartut suliamik suliarinnittutut maluginiagassaasut saqqummiunneqarput, assersuutigalugu:

- Suliamik suliarinnittup innuttaasumik siumoortumik paasinninnera inullu pillugu ilisimasai tunngavigalugit suliamik suliarinnittoq ajornartorsiummik paasinnittarpoq. Taamatut paasinninnerup innuttaasup nammineq periarfissaminik ajornartorsiutiminillu oqaasinngortitsineranut ajoqutaannginnissaa qulakkiissallugu pingaaruteqarpoq.

Ilanngussaq 2 Inuup sulisinnaassusianik misissuineq – siusinaartumik pensionisiaqarneq pillugu sulianut apeqqutissanut siunnersuutit

Siusinaartumik pensionisiaqarneq pillugu Inatsisartut inatsisaannut ilitsersuut

- Suijanik suliarinnittup innuttaasoq pillugu paasissutissat uppersaatissaqartissavai. Tamatumunnga atatillugu innuttaasut ilaasa paasissutissat imminerminnut tunngasut pisortat allattuiffiannut nalunaarsugaanissaat toqqissisimanngissutigisinnavaat. Taamaattumik paasissutissat pissarsiariniarnerannut nalunaarsornerannullu siunertaasup erseqqissumik nassuiaatiginissaa pingaaruteqarpoq, innuttaasoq akuersitinnagu paasissutissat allamut tunniunneqartussaanninnerat ilanngullugu.
- Sulianik suliarinnittup innuttaasumik oqaloqateqarnermini oqaatsit suut atornerlugit maluginiassavaa, sulianik suliarinnittup oqaatsit innuttaasumut paasinarluartut atussagamigit, ingerlatsivimmi sulisilluni oqaatsit oqariartaatsillu atunnginnissaat ilanngullugu.

Innuttaasumik oqaloqateqarnermi innuttaasup imminut isiginninnerata kinguneqarluartussatut siumullu isigisutut pissuseqalersinnissaanut innuttaasumik tapersersuisoqassaaq. Innuttaasoq peqatigalugu nukissaqarfiit ersarissunngortinneqassapput nukissallu suliffeqarnermi qanoq atorneqarsinnaanerannut periarfissat nutaat takuneqarsinnaasunngortinneqassallutik.

Sulianilli suliarinnittoq innuttaasorlu oqaloqatigiitsillugit, sorpassuit sunniuteqarsinnaasarpur. Sunniuteqarsinnaasut tamakku oqaloqatigiinnerup qanoq ingerlaneranut, illuatungeriit imminnut qanoq isiginerannut, naggataagullu ineriartormik ingerlaatsip, innuttaasup suliamik suliarinnittumik ataatsimeeqateqartarnini tunuliaqutaralugit aqquusaagassaata qanoq inerneqarnissaanut annertuumik pingaaruteqarsinnaapput.

Pissutsit ilaat, suliamik suliarinnittup innuttaasumik ataatsimeeqateqarnermini maluginiagassai tulluittuni naatsumik saqqummiunneqassapput.

### **Oqaloqatigiinnerup nalaani innuttaasup iluaagisai iliuuseqarfigalugit**

Innuttaasut ingerlatsivimmit ikiorneqarnissamik qinnuteqartut aallaqqaammut imaluunniit oqaloqatigiinnerup nalaani ingerlatsivimmik attaveqartariaqalersimanertik iluaagisinnaavaat. Nammineq ajornartorsiutigisat nammineerluni aaqqissinnaanninneri pissutigalugit soriarsinnaangitsutut misiginermit iluaagisaqarneq aallaaveqarsinnaavoq, imaluunniit allanit pilersorneqartariaqalernerup imaluunniit pisortat tungaannit piunasaqaateqarfigineqarnerup piunassuseqarfigineqannginneranik misigineq aallaavusinnaalluni.

Innuttaasup pissutsit pillugit nammineerluni oqaasinngortitsinissamut periarfissinneratigut suliamik suliarinnittup innuttaasoq pitsaanerpaamik ikiorsinnaavaa.

Ilanngussaq 2 Inuup sulisinnaassusianik misissuineq – siusinaartumik pensionisiaqarneq pillugu sulianut apeqqutissanut siunnersuutit

Siusinaartumik pensionisiaqarneq pillugu Inatsisartut inatsisaannut ilitsersuut

Innuttaasup iluaagisaqalinnginnissaa anguniarlugu imaluunniit iluaagisai annikillisinniarlugit ikiuinermik periutsit sulianik suliarinnittup atorsinnaasaat maani naatsumik saqqummiunneqassapput, taamaasilluni innuttaasoq aamma sulianik suliarinnittoq oqaloqatigiinneq kingunissalimmik pitsaasumillu pissarsiaqarfigissammasuk.

### **Ikiuinerit sulianik suliarinnittup innuttaasumut atorsinnaasai:**

- Akuersaarnernerminik ataqqinninnerminillu imalimmik oqaatiginninneq
- Innuttaasoq misigissutsinik artukkiisunik oqaatiginninnissamut periarfissillugu
- Paasinninnini oqaatigalugu
- Ajunngitsunut iluatsittunullu atatillugu kaammattuilluni qiimmassaaneq
- Aalajangersimasumik ikiuulluni oqaatsillu atorlugit malinnaanernerminik takutitsineq

### **Kimigiiserneq tunuarternertu**

Innuttaasoq pissutsit nammineq atukkani pillugit oqaasinngortitsinissamut periarfissinneqartariaqarpoq. Sulianik suliarinnittup ”ingasappallaalinnginnissaa” aamma maluginiassavaa, innuttaasullu imminik isiginninnerminik allannguinnitsoorneranut tapertaanaveersaarluni.

Innuttaasumik oqaloqatiginninnermi sulianik suliarinnittup kimigiiserfiginninnermut tunuarternermullu pulasuunnginnissaq aqussinnaasariaqarpaa. Sammisanut qamuuna piginerusanik oqaloqatigiissuteqarnissaq pisariaqartoq sulianik suliarinnittup nalilerpagu, tatiginnissutsip taamatut oqaloqatigiinnissamut pisariaqartinneqartup pilersinnissaa ataqqissallugu pingaaruteqarpoq.

Qamuuna piginerusat (assersuutigalugu namminermut tunngasut) oqaloqatigiissutiginerannut sammisat imatut itisilernissaat imatut siunertaanngimmat eqqaamassallugu pingaartuuvoq. Pissutsinik, ineriartormermik ingerlaaseqalernissamut atugassarititaasunik suugaluartunik pilersitsisinnaasunik oqaasinngortitsisinnaanissaq imaluunniit paaseqatigiinnissaq siunertaavoq. Sammisallu aalajangersimasut ilanngullugit kalluarneqanngippata, tamatuma innuttaasumut qanoq kinguneqarsinnaanera ilanngullugu nalilersorneqassaaq.

### **Apersueriaatsit**

Attaveqatigiinneq ingerlaasiuvoq, ingerlaatsimilu tamatumani oqaloqatigiinneq pingaaruteqarluni akuuvoq. Sulianik suliarinninnermi aalajangersimasumi, suliami

Ilanngussaq 2 Inuup sulisinnaassusianik misissuineq – siusinaartumik pensionisiaqarneq pillugu sulianut apeqqtissanut siunnersuutit

Siusinaartumik pensionisiaqarneq pillugu Inatsisartut inatsisaannut ilitsersuut

aalajangiisinnaassagaanni, sulianik suliarinnittup oqaloqatigiinneq imatut aqussavaa, paasissutissat pissutsinik isumaginninnermut tunngasutigut attuumassuteqartunik naliliisinnaajumalluni pisariaqartut oqaatigineqarsinnaasunngorlugit. Tamanna pissutigalugu apersueriaatsit assigiinngitsut, imaluunniit akeriaatsit assigiinngitsut oqaloqatigiinnerup ingerlaneranik qanoq sunniuteqartarnerat sulianik suliarinnittup ilisimasaqarfiggissavaa.

Aalajangersimasut pillugit oqaluutissagaanni, imaluunniit oqaloqatigiinneq kingunissaqarnerusumut sangutinniaraanni, tulliuttumi periutsit assigiinngitsut, suliamik suliarinnittup apersuutigisinnaasai takutinneqarput. Soorunami tamanna piviusumik piuminarsaavoq, kisianni suliamik suliarinnittup oqaloqatigiinnermik qanoq aqutsinissaanut isumassarsiorfittut atorneqartussatut taamaallaat isigineqassapput.

Apeqqtit *itiusiliisut*, assersuutigalugu innuttaasoq sunngiffimmi soqutigisani pillugit oqaluttuarterinniarlugu atorneqarsinnaapput:

”Timersoqatigiiffimmut tassunga orniguttarninni suna pissanganartuunera annertunerulaartumik oqaluttuarisinnaaviuk?” – imaluunniit suliffinni misilittakkanut atatillugu: ”Tusaasinnaavara suliassaqaqtarsimaqisutit, tassaniinnerillu nuannarisimagit. Sunarpiaq suliarisarsimanerlugu, sukktu nuannarinerlugu itisilerlugu oqaluttuarisinnaaviuk?”

Oqaloqatigiinneq allamut sangutinniarnagu suliamik suliarinnittup apeqqtit *killiliisut* atorsinnaavai:

”Ullumikkut isumaqatigiissutigivarput suliffeqarnermut ilinniagaqarnermulluunniit atatillugu illit sulererusunnerit oqaloqatigiissutigissagipput”.

Apeqqtit *aalajangersimasunut tunngasut* ilisimasanut paasissutissanullu tunngasuusinnaapput, assersuutigalugu: ”Najugaqarnikkut atugarisatit qanoq ippat?”

Apeqqtit *misigissutsimut tunngasut* soorlu suliffimmi nutaami aallartinnissamut atatillugu innuttaasup qanoq misigisimanerata qulaajaaffiginissaanut atorneqarsinnaapput:

”Aqagu suliffimmi nutaami aallartittussaagaluaruit, qanormitaava misigisimassagaluarpit?” – imaluunniit akissutitut: ”Paasisinnaalluarpara annilaangalissasutit, aamma qangarsuarli suliffeqarnikuugavit, taamaattumik taamatut misigisimanerit pissusissamisoorpoq”.

Apeqqtit *aporaaffiusinnaasut* soorlu innuttaasup sulisinnaassutsiminut sunniuteqartumik imigassamik atornerluisuuneranik suliamik suliarinnittoq pasitsaassisimatillugu atorneqarsinnaapput: ”Pappialani Piitap sungiusarfimmeersup nassiussaani takusinnaavara, ilanneeriarlutit aalakoortlutit suliarortarsimasutit. Sooq taamatut iliortarpit? Tamatumunnga qanoq oqaasissaqarpit”

Imaluunniit sulinissamut anguniakkat ineriartortinnerannut atatillugu:



Ilanngussaq 2 Inuup sulisinnaassusianik misissuineq – siusinaartumik pensionisiaqarneq pillugu sulianut apeqqutissanut siunnersuutit

Siusinaartumik pensionisiaqarneq pillugu Inatsisartut inatsisaannut ilitsersuut

”Oqarputit perorsaasutut ilinnialerusullutit, ilutigisaanillu oqarlutit maannakkorpiaq aningaasarsiortariaqarnerit pissutigalugu suliffeqalertariaqarlutit, taamaattumik taakku imminnut ataqatigiinngimmata paasisinnaangilara”.

Apeqqutit *mattussisut* attaveqatigiinnerup unittuinneranik kinguneqartartussaapput. Pisulli ilaanni apeqqutinik *mattussisunik* atuissalluni pissusissamisoorsinnaavoq. Assersuutigalugu innuttaasup siusinnerusukkut ajornartorsiutigisimasani pingaartinniaannarpagit, innuttaasullu nukissaqarfigisaasa oqaluuserinissaannut allanik periusissaqanngippat: ”Tusaasinnaalluarpara nappaatinnit maannakkorpiaq sunnertisimasutit, tamannali piffissami allami oqaluuserisariaqarparput”. Innuttaasoq peqatigalugu suliaq ingerlalluaqqullugu, innuttaasorlu immiinnut pilluni nammineq oqaatsiminik oqaluttuarnissamat periarfissinniarlugu apereriaatsit tulliuttut atornerarsinnaapput:

### **Suliap ingerlanerani apeqqutit – isumassarsiorfissatut allattukkat**

- .... qanoq ilinnut sunniuteqarpa?
- Qanoq iliorlutit taamaaligavit...?
- Kina taamatut oqarami...?
- Qanoq qisuariaateqarpit...?
- .... qanoq igaajuk?
- Tamanna siusinnerusukkut misiginikuuiuk...?
- Qanoq ilillutit takutissinnaaviuk...?
- .... pillugu qanoq isumaqarpit?
- Qanoq pisoqassasoq takorloorpiuk...?
- xxx--tarnera ileqqua/nalinginnaava?

### **Innuttaasup nukissaqarfiisa qitiutinnerat**

Innuttaasut ilaasa naatsorsuutigisinnaasarpaat, suliap ingerlannerani nukissaqarfiit pinnagit aporfiit qitiutinneqassasut.

Ilanngussaq 2 Inuup sulisinnaassusianik misissuineq – siusinaartumik pensionisiaqarneq pillugu sulianut apeqqutissanut siunnersuutit

Siusinaartumik pensionisiaqarneq pillugu Inatsisartut inatsisaannut ilitsersuut

Sulianik suliarinnittup periuseq ikiortigalugu innuttaasoq oqaluttuutissavaa, paasisassat paasiniernerisa ingerlanerani tamarmiusumi nukissaqarfiit qitiutinneqassasut. Taamatut iliornikkut periuseq innuttaasup sulianillu suliarinnittup akornanni naatsorsuutigisani paatsooqatigiissinnaanerit annikillisinneqassapput.

### **Paasinninnerit naliliinerillu pillugit ammasuuneq**

Pissaaneqassutsikkut attuumassutit (suliamik suliarinnittup innuttaasullu akornanni pissaaneqassutsikkut attuumassutit) erseqqissunngortinnissaat takussaasunngortinnissaallu paasisaqarnissamut naggataagut pisariaqarpoq. Oqartussatut inissisimanerup sanngiillisinnissaa pineqanngilaq, akerlianilli tamanna tigusariaqarpoq. Sullitap suliap ingerlanerani pisinnaatitaaffiunik ilisimatilluarneratigut, kiisalu oqartussatut killiliisoqaraluartoq periarfissaanik ilisimatilluarneratigut erseqqissumik naliliinerit atorneqassapput. Erseqqissumik takussaasumillu oqartussatut inissisimaneq isumaga naapertorlugu sullitap tatiginninnerulerneranut anneroqisumik tapertaassaaq, taamatut inissisimanerup sanngiillisinneratigut anguniarneqartaraluartoq.

### **Nappaatip suussusaanik paasiniaaneq sianigalugu**

Ilaanneeriarluni innuttaasup nammineq naliliinini malillugu nappaammunik paasinninnera nakorsallu nassaavi aaqqiagiinnginneqarsinnaapput (diskrepans). Tamanna ilaatigut qanoq issutsinut, anniaateqarnermik, qasoqqanermik, sinissaaleqinermik, aallussinissamut ajornartorsiuteqarnermik il.il. ilisarnaateqartunut arlalinnut atatillugu atuuttarpoq, tamatumani nakorsap misissuisarnerini qanoq issutsimut piviusunik nassuiaataasinnaasunik nassaartoqarsinnaasarani, taamaattumillu ajoqutaasoq suussusersineqarsinnaasarani katsorsaanerlu aallartinneqarsinnaasarani.

Nakorsamit paasissutissat qanoq ilinikkut naammannersut suliamik suliarinnittumit sukumiisumik eqqarsaatigineqarnissaa pisuni taamatut ittuni pingaaruteqarpoq. Nakorsanit immikkut ittumik ilisimasalinnit oqaaseqaatinik arlalinnik pissarsiniarnissaa tungavissaqanngilaq, paasisaqarnerunissamut taakku tapertaasinnaanngimmata. Nakorsanit immikkut ilisimasalinnit oqaaseqaatinik amerlavallaartunik pissarsiniarnerup, innuttaasup napparsimasutut imminut isiginera unittoornermut tapertaaginnarsinnaavoq, tamannalu innuttaasup nukissaqarfiisa ineriartortinnissaannut namminerimi aporfinngorsinnaasarpoq. Peqatigisaanillu innuttaasoq pasineqartutut misigisaqarsinnaavoq, suleqatigiinnermik ajornakusoortitsilersumik. Matumani nappaatip suussusaanik paasiniaanerup unitsinnissaa, innuttaasup napparsimasutut isigineranik ataqqinnineq, aporfiullu tamatuma qaangernissaanut nukissat suut pisariaqartinneqarnerisut eqqarsaatigisassaapput.